







[General](#)

## **UMP santuni pelajar lepasan SPM meraikan kejayaan**

9 June 2023

KUANTAN, 8 Jun 2023 - Universiti Malaysia Pahang (UMP) berkongsi debaran apabila turun padang bersama-sama pelajar di 13 sekolah terpilih sekitar negeri Pahang bagi meraikan kejayaan pelajar lepasan Sijil Pelajaran Malaysia (SPM) yang mendapat keputusan cemerlang.

Menurut Timbalan Naib Canselor (Hal Ehwal Akademik dan Antarabangsa), Profesor Ir. Ts. Dr. Ahmad Ziad Sulaiman, pasukan konsultansi akademik UMP yang diselaras Pusat Pemasaran dan Kemasukan Akademik berada di 13 buah sekolah negeri Pahang dalam program UMP@ School

---

semepena pengumuman keputusan SPM 2022.

Ujar beliau, program ini telah dikooordinasikan sebagai platform keterlihatan (*visibility*) UMP di sekolah-sekolah, sesi penerangan dan konsultasi kepada pelajar dan keluarga untuk mengetahui dengan lebih dekat tentang program-program yang ditawarkan di UMP juga peluang melanjutkan pendidikan tinggi di UMP melalui program-program yang ditawarkan termasuklah program-program yang berasaskan TVET.



“Selain itu juga, melalui inisiatif ini ia dapat mendekatkan sekolah dengan universiti yang membolehkan mereka mendapat maklumat program, perkongsian *campus-life* dan sebagainya,” ujarnya.

Profesor Ir. Ts. Dr. Ahmad Ziad Sulaiman hadir ke Sekolah Menengah Sains Sultan Haji Ahmad Shah (SEMSAS) Kuantan sempena Majlis Graduasi dan Anugerah Gemilang SEMSAS yang telah diadakan di Dewan Al-Khawarizmi, SEMSAS.



Beliau turut menyampaikan Sijil Kecemerlangan kepada 36 orang pelajar SEMSAS yang berjaya memperolehi keputusan SPM yang cemerlang.

Majlis ini telah dirasmikan oleh Presiden ExSAS Yang Hormat Dato' Azhar Anuar yang juga merupakan Ketua Pegawai Eksekutif MSE Resources Corporation (M) Sdn. Bhd.

Turut sama Pengetua SEMSAS, Haji Mahadzir Hanapiyah.

**Disediakan oleh: Nur Ainaa Adhreena Muhammad Shukri, Bahagian Komunikasi Korporat, Jabatan Canseleri**

- 125 views

[View PDF](#)